

امام خمینی (ره) دیندارلیق و سیاستی بیر بیرینه باغلادی

شرقی آذربایجان اسلامی تبلیغات مدیر کلی دئدی: امام خمینی (ره) دیندارلیق و سیاستی بیر بیرینه باغلادی و معظم رهبرلیق مقامینین مبارک وجودی انقلاب و اسلامی نظاما ایلاهی بیر نعمتدیر.

شرقی آذربایجان اسلامی تبلیغات ادارهسینین عمومی رابطه‌لرینین وئردیغی خبره گؤره، حجت‌الاسلام حمید عظیمی تبریز شهرینین اسلامی انجمنلر رئیس‌لرینین جمعینده دئدی: اسلامین بیر اوزو وار کی اسلام پیغمبری (ص) اونی بیان ائله‌ییب، آما دشمنلر ایندی آیری عقیده و مذهب‌لری اسلام آدینا منتشر ائله‌ماق ایستیرلر.

حجت‌الاسلام عظیمی فجر دهه‌سینین باشلاماسینا اشاره ائله‌ماغینان دئدی: امام خمینی (ره) دیندارلیق و سیاستی بیر بیرینه باغلادی و معظم رهبرلیق مقامینین مبارک وجودی انقلاب و اسلامی نظاما ایلاهی بیر نعمتدیر.

او، هابئله فجر دهه‌سی برنامه‌لرینین داها آؤتئق عظمت اینن اجرا اولونماسینا تأکید ائله‌ماغینان آرتیردی: بیزیم انقلابیمیز فقط اؤز اؤلکه‌میزین دئییلدی بلکه دنیا سویه‌سینده انقلاب ایدی. بیز ایندی بو انقلابین صادر اولونماسینی گؤره بیلروق.